

Ленин жұл

Шығуына
27-шы жыл
№ 27
(6987)
1945 жыл
Жума
9 февраль
Жеке саны
20 тыйын

ҚК(Б)П Солтүстік Қазақстан Облыстық Комитетінің, өңбекшілер депутаттарының облыстық Советінің және ҚК(Б)П Петропавл қалалық комитетінің газеті

Жоғарғы Бас қолбасшының БҰЙРЫҒЫ

1-Украин майданы әскерлерінің қолбасшысы
Советтер Одағының Маршалы **КОНЕВҚА**
Майдан штабының бастығы
Армия генералы **СОКОЛОВСКИЙГЕ**

1-УКРАИН майданының әскерлері шабуыл жасай отырып, БРЕСЛАУ (БРЕСЛАВЛЬ) қаласының оңтүстік-шығыс жағында ОДЕР өзенінен өтті, өзеннің батыс жақ жағалауындағы немістердің ұзақ уақытқа арналып жасалған күшті бекіністі қорғану шебін бұзды, сөйтіп үш күнгі шабуыл ұрыстары кезінде 20 километр алға басып, табан тірейтін шептің енін майдан бойына 80 километр кеңейтті.

Ұрыстардың барысында әскерлеріміз қатынас жолдарының маңызды тораптары және ОДЕРДІң батыс жақ жағалауындағы немістердің күшті тіректі қорғану бекіністері—ОЛАУ, БРИГ, ТОМАСКИРХ, ГРОТТКАУ, ЛЕВЕН және ШУГАРСТ қалаларын алды.

ОДЕР өзенінен өту ұрыстарында генерал-полковник ГУСЕВТИН, генерал-полковник ЖАДОВТЫН, генерал-лейтенант БУХОВЕЦТИН, генерал-майор ЛЯМИННИН, генерал-лейтенант НОВОСЕЛЬСКИЙДИН, генерал-майор НАУМОВТЫН, генерал-лейтенант ЛЕБЕДЕНКОНЫН, генерал-лейтенант РОДИМЦЕВТИН, полковник ДОЛГОВТЫН, полковник ҚУХАРЕВТИН, полковник КУЗНЕЦОВТЫН, полковник ПЕССОЧИННИН, полковник ЗИНОВЬЕВТИН, генерал-майор ЗАЙОНЧОВСКИЙДИН, полковник ГОРЯЧЕВТИН, полковник ШУМЕЕВТИН, генерал-майор МОТОВТЫН, генерал-майор ОЛЕФНИКОВТИН әскерлері; артиллерия генерал-лейтенанты МИХАЛКИННИН, артиллерия генерал-майоры ПОЛУЭКТОВТЫН, артиллерия генерал-майоры КОФАНОВТЫН, артиллерия генерал-майоры САНЬКОНЫН, полковник ГОРДЕЕВТИН, полковник ТАРАСОВТЫН, артиллерия генерал-майоры БУДКОВТЫН, полковник ЧЕВОЛАННЫН артиллерияшылары; генерал-полковник РЫБАЛКОНЫН, танк әскерлерінің генерал-майоры БАХМЕТЬЕВТИН, танк әскерлерінің генерал-майоры КУЗНЕЦОВТЫН, танк әскерлерінің генерал-лейтенанты ПОЛУБОЯРОВТЫН, танк әскерлерінің генерал-майоры НОВИКОВТЫН, танк әскерлерінің генерал-лейтенанты ИВАНОВТЫН, танк әскерлерінің генерал-лейтенанты СУХОВТЫН танкшілері; авиация генерал-лейтенанты РЯЗАНОВТЫН, авиация генерал-лейтенанты УТИННИН, полковник МАЧИННИН ұшқыштары; полковник ГРОМЦЕВТИН, полковник ПОДОЛЫННИЙДИН, полковник КАМЕНЧУКТИН саперлері; полковник ШОЛАМЫТОВТЫН, полковник БОГОМОЛОВТЫН, полковник БОРИСОВТЫН байланысшылары көзге түсті.

Қол жеткен жеңістің хұрметіне, ОДЕР өзенінен өту ұрыстарында өте-мөте көзге түскен құрамалар мен бөлімдер «ОДЕР» атағын беруге және ордендермен наград тауға ұсынылсын.

Бүгін, 6 февральда, 22 сағатта Отанымыздың астанасы МОСКВА екі жүз жыйырма төрт зеңбіректен жыйырма дүркін артиллерия оғын атып, ОДЕРДЕН өткен 1-УКРАИН майданының айбынды әскерлеріне Отанымыз атынан хұрмет көрсетеді.

ОДЕР өзенінен өту және БРЕСЛАУДЫҢ оңтүстік-шығыс жағындағы табан тірейтін шепті алу ұрыстарына қатысқан Сіздердің басқаруларыңыздағы әскерлерге ұрыс қыймылдарын өте жақсы жүргізгені үшін АЛҒЫС ЖАРИЯЛАЙМЫН.

Отанымыздың бостандығы мен тәуелсіздігі үшін ұрыстарда қаза тапқан батырлардың даңқы мәңгі өшпесін!

Неміс басқыншыларға өлім келсін!

Жоғарғы Бас қолбасшы
Советтер Одағының Маршалы **И. СТАЛИН.**

1945 жылғы 6 февраль.
№ 270.

А. И. Қыстауов жолдасты Қазақ ССР Халық Комиссарлары Советі Председателінің орынбасары етіп тағайындау туралы.

Қазақ ССР Жоғарғы Советі Президиумының Указы

Ахметбек Мұхамедиярұлы Қыстауов Советі Председателінің орынбасары болып жолдас Қазақ ССР Халық Комиссарлары тағайындалсын.

Қазақ ССР Жоғарғы Советі Президиумының Председателі **Э. ҚАЗАҚБАЕВ.**

Қазақ ССР Жоғарғы Советі Президиумының Секретарі **С. НҰРМАҒАМБЕТОВ.**

Алматы қаласы, 1945 жылғы 2 февраль.

Р. О. Омаров жолдасты Қазақ ССР Халық Комиссарлары Советі Председателінің орынбасары етіп тағайындау туралы.

Қазақ ССР Жоғарғы Советі Президиумының Указы

Илияс Омарұлы Омаров жолдас Қазақ ССР Халық Комиссарлары Советі Председателінің орынбасары болып тағайындалсын.

Қазақ ССР Жоғарғы Советі Президиумының Председателі **Э. ҚАЗАҚБАЕВ.**

Қазақ ССР Жоғарғы Советі Президиумының Секретарі **С. НҰРМАҒАМБЕТОВ.**

Алматы қаласы, 1945 жылғы 2 февраль.

Одақтас үш мемлекет—Советтер Одағы, Америка Құрама Штаттары және ұлы Британия басшыларының конференциясы

Америка Құрама Штаттарының президенті, Советтер Одағының басшысы және Ұлы Британияның бас министрі өздерінің штаб бастықтарымен, сол сияқты үш сыртқы істер министрінің тағы басқа кеңесшілері ертіп шығып, қазіргі уақытта Қара теңіз ауданында мәслихат өткізіп жатыр.

Олардың мақсаты жалпыға бірдей жауды талқандау ісін аяқтау жоспарларын біріктіріп жүзеге асыру және өздерінің одақтастарымен бірлесіп, ұзақ уақыттық бейбітшіліктің берік негіздерін жасау болып саналады.

Мәслихат үздіксіз жүргізілуде.

Конференция соғыс жөніндегі келіссөздерден басталды. Европаның барлық майдандарындағы қазіргі жағдай қаралып, нағыз толық пікір алысылды. Нацистік Германияға қарсы соғыстың ақырғы кезеңінде соғыс қыймылдарын бірлесіп жүргізу жөнінде толық келісушілік бар. Қазіргі уақытта үш үкіметтің соғыс штабтары бірлесіп нақтылы жоспарлар жасап жатыр.

Баянды бейбітшілік орнатуға байланысты міндеттер жөнінде де келіс сөздер басталды. Бұл келіс сөздердің Германияны оккупациялап, бақылауға, азат етілген Европаның саяси экономикалық міндеттеріне, бейбітшілікті сақтау үшін халықаралық тұрақты ұйымды тез құру туралы ұсынысқа байланысты жоспарларды бірлесіп жасауға қатысы бар.

Конференция аяқталысымен мазмұндама жарияланады.

Совет Хабаршы бюросынан 6 ФЕВРАЛЬДАҒЫ ҰРЫСТАР МӘЛІМЕТІ

6 февральда Шығыс Пруссияда, АЛЛЕНШТАЙН қаласы ауданында әскерлеріміз шабуыл ұрыстары нәтижесінде РОССЕДЕН, ЛАНГВИЗЕ, ЛАУНАУ, ФРАЙМАРКТ, БЕНЕРН, АРНСДОРФ, ФОЙГТСДОРФ қыстақтарын алды.

1-УКРАИН майданының әскерлері шабуыл жасай отырып, БРЕСЛАУ (БРЕСЛАВЛЬ) қаласының оңтүстік-шығыс жағында ОДЕР өзенінен өтті, өзеннің батыс жақ жағалауындағы немістердің ұзақ уақытқа арналып жасалған күшті бекіністі қорғану шебін бұзды, сөйтіп үш күнгі шабуыл ұрыстары кезінде 20 километр алға басып, табан тірейтін шептің енін майдан бойына 80 километр кеңейтті.

Шабуылдың барысында майдан әскерлері қатынас жолдарының маңызды тораптары және ОДЕРДІң батыс жақ жағалауындағы немістердің күшті тіректі қорғану бекіністері—ОЛАУ, БРИГ, ТОМАСКИРХ, ГРОТТКАУ, ЛЕВЕН және ШУГАРСТ қалаларын алды, сол сияқты 60тан аса басқа елді жерлерді ұрыспен алды.

БУДАПЕШТЕ әскерлеріміз қаланың батыс жақ бөлегінде (БУДА) қоршауға алынған дұшпанның гарнизонын жою жөнінде ұрыстар жүргізе отырып, 12 кварталды алды.

1-БЕЛОРУС майданында әскерлеріміз немістердің 433-жау әскер дивизиясының командирі генерал-лейтенант ЛЮББЕНИ қолға түсірді.

5 февральда әскерлеріміз барлық майдандарда немістердің 189 танкін қыйратты, жойды. Әуе ұрыстарында және зенит зеңбіректерімен дұшпанның 21самолеті атып түсірілді.

7 ФЕВРАЛЬДАҒЫ ҰРЫСТАР МӘЛІМЕТІ

7 февральда КЕНИГСБЕРГТИН оңтүстік жағында әскерлеріміз шабуыл ұрыстарын жүргізді, бұл ұрыстардың барысында 30дан аса елді жерлерді оның ішінде ЛИПНИКЕН, ЗОДЛАУ, КОСМАЛЕН, ЛАЙДТКАЙН, ЛАМПАШ, ПОШЛОШЕН қыстақтарын алды. 5 және 6 февральда КЕНИГСБЕРГ ауданында әскерлеріміз немістердің 2260 солдатты мен офицерін қолға түсірді.

КЮСТРИН қаласының (Одерде) солтүстік және оңтүстік жағында әскерлеріміз ОДЕР өзенінің шығыс жақ жағалауын дұшпаннан тазарту жөнінде ұрыстар жүргізіп, ЦЭКЕРИК, АЛЬТ ЛИТЦЕГЕРИКА, ГЮСТЕВИЗЕ, ХЭЛЬЗЕ, КЛЕВИТИ, АЛЬТ ДРЕВИТЦ, ТРЕТТИН, КУНЕРСДОРФ, АУРИТЦ қыстақтарын алды. 5 және 6 февральдағы ұрыстар кезінде бұл ауданда әскерлеріміз немістің 4 мыңнан аса солдатты мен офицерін және аэродромдарда дұшпанның 69 самолетін қолға түсірді.

БРЕСЛАУДЫҢ (БРЕСЛАВЛЬ) оңтүстік-шығыс жағында әскерлеріміз Одердің батыс жақ жағалауындағы табан тірейтін шепті кеңейту жөнінде ұрыстар жүргізе отырып, 50ден аса елді жерлерді, аның ішінде МЭРЦДОРФ, ВЮРБЕН, ГРОССБУРГ, ЛЕХ-ТЕНБЕРГ, ДОЙЧЕ-ЛАЙППЕ, МИХЕЛАУ, БОРКЕНХАЙН, ВОЛЬФСГРУНД, ЭЙ-ЗЕНАУ, ПРЕЙСДОРФ үлкен қыстақтарын алды. 5 және 6 февральдағы ұрыстарда бұл ауданда немістердің 4200ден аса солдатты мен офицері және аэродромдарда дұшпанның 28 самолеті қолға түсірілді.

БУДАПЕШТЕ дұшпанның қоршауға алынған гарнизонын жою жөнінде ұрыстар жүргізілді, бұл ұрыстардың барысында әскерлеріміз 10 кварталды алды. 5 және 6 февральдағы ұрыстарда қаланың батыс жағында (БУДА) дұшпанның 5600ден аса солдатты мен офицері қолға түсірілді.

6 февральда барлық майдандарда немістердің 140 танкі қыйратылды, жойылды. Әуе ұрыстарында және зенит зеңбіректерімен дұшпанның 26 самолеті атып түсірілді.

Быйылғы 12 январьдан 4 февральға дейін шабуыл ұрыстары кезінде әскерлеріміз майданның орталық учаскесінде немістердің 88-жау әскер дивизиясының командирі генерал-лейтенант Ритбергті, немістердің 34-жау әскер дивизиясының командирі генерал-майор Лиссті, немістердің 433-жау әскер дивизиясының командирі генерал-лейтенант Люббени, немістердің 17-танк дивизиясының командирі полковник Брукты, немістердің 10-моторландырылған дивизиясының командирі полковник Вияльді, немістердің 42-армия корпусының штаб бастығы полковник Драбих-Вехтерді, немістердің 42-армия корпусының артиллерия қолбасшысы полковник Розенді, авиация министрлігінің бөлім бастығы авиация генералы Манкені, 39-екбек соғыс өлкесінің бастығы генерал Вессеманды қолға түсірді.

Өлтірілген неміс солдаттары мен офицерлері арасынан немістердің 42-армия корпусының командирі жаяу әскер генералы Рекнагердің, немістердің 56-танк корпусының командирі жаяу әскер генералы Блоктың, немістердің 69-жау әскер дивизиясының командирі генерал-лейтенант Райнның, немістердің 72-жау әскер дивизиясының командирі генерал-майор Хонның, немістердің 78-жау әскер дивизиясының командирі генерал-майор Гиршфельдтің, немістердің 214-жау әскер дивизиясының командирі генерал-лейтенант Кирдахтың, немістердің 291-жау әскер дивизиясының командирі генерал-майор Фангердің, немістердің 342-жау әскер дивизиясының командирі генерал-лейтенант Никкельдің өліктері табылды.

Шығыс Пруссияда Кенигсберг қаласының оңтүстік жағында әскерлеріміз шабуыл жасай отырып, дұшпанның Посмар өзені бойындағы ұзақ уақытқа арналып жасалған күшті бекіністі қорғану шебіне жетті. Кескілескен ұрыстардың барысында совет бөлімдері өзеннен өтіп, оның сол жақ жағалауында Космален тіректі бекінісін алды, Жаудың 24 ірі атыс бекінісі алынды. Немістер Прейсш-Айлау қаласының солтүстік-шығыс жағында 4 километр жердегі Лампаш қыстағынан қуып шығарылды. Бір күнгі ұрыстарда жаудың 3 мыңнан аса солдатты мен офицері, дұшпанның 28 танкі мен өздігінен жүретін зеңбірегі жойылды.

(Жалғасы 2-бетте).

Совет Хабаршы бюросынан

7 ФЕВРАЛЬДАҒЫ ҰРЫСТАР МӘЛІМЕТІ

(Соңы. Басы 1-бетте).

Кюстрин қаласының солтүстік және оңтүстік жағында әскерлеріміз шабуыл ұрыстарын жүргізді. Дүшпан қайткен күнде Одар өзенінің шығыс жақ жағалауындағы табан тірейтін шөптерінен айырылып қалмауға тырысуда. Гитлершілдер ұзақ уақытқа арналып жасалған қорғану шөптеріне сүйене отырып, өлермендікпен қарсылық көрсетті, сөйтіп әлденеше рет қарсы атақша шықты. Совет бөлімдері жауға қауырт соққы беру нәтижесінде Кюстрин қаласының солтүстік жақ төңрегіндегі Альт-Древниц қыстағын алды. Әскерлеріміз Одердегі Прай қаласының кіре беріс іргелерін қорғап тұрған дүшпанның әскер тобын қатты жеңіске ұшыратты, сөйтіп Франкфурттың шығыс жағында 5 километр жердегі Куерсдорф қыстағын алды. Күн тәулік ішінде дүшпан тек өлідей ғана 5 мыңдай солдатты мен офицерінен айырды. Немістердің 65 танкі мен 90 бронетранспортері күйратылды, өртелді.

Әскерлеріміз алған немістердің Куерсдорф қыстағы орыстың соғыс тарихында белгілі, 7 жылдық соғыс кезінде, 1759 жылғы 14 августа Куерсдорф түбінде генерал Салтыковтың басқаруындағы орыс әскерлері мен Пруссия королі Фридрих II-нің әскерлері арасында ірі шайқас болған болатын. Орыс әскерлері немістерді толық талқандап, оларды тозғындатып жіберген еді.

Бреслаудың (Бреславль) оңтүстік-шығыс жағында әскерлеріміз дүшпанның қатты қарсылығын жеңе отырып, Одер өзенінің батыс жақ жағалауындағы табан тірейтін шөпті кеңейту жөнінде ұрыстар жүргізді. Совет жаяу әскерлері, танкілер мен артиллерияшылардың көмегімен немістерді Шпрейлен қаласының солтүстік жағында 9 километр жердегі Гросбург қыстағынан қуып шығарды. Одердің сол жақ жағалауы бойымен шабуыл жасаушы екінші бір бөлімдеріміз 10 километр алға басып, немістердің тіректі қорғану бекінісі Прейсдорфты алды.

Көше алынған немістердің Бриг қаласын да совет әскерлері жаудан көп олжа, оның ішінде 19 танк, 62 дала зеңбірегі, 1000 автомашина және соғыс мүлкі қойған склад қолға түсірді.

Будапеште әскерлеріміз дүшпанның қоршауға алынған әскер тобын жою жөнінде

ұрыстар жүргізді. Қаланың немістердің қолында тұрған барлық бөлегін барлауға аса қолайлы Шашхед тауы үшін кескілескен ұрыстар болды. Дүшпан Шашхедті қуатты қорғану торабына айналдырған. Гитлершілдер бекіністеріне сүйеніп қарсыға қарсылық жасады. Гвардия бөлімшелеріміз Зайоми көшесін жаудан тазартып, шығыс жақтан тау етегіне жетті. Советтің екінші бір бөлімшелері бұл ауданға оңтүстік және солтүстік жақтан басып кірді. Бүгін жауынгерлеріміз немістердің ірі гарнизонын талқандап, Шашхед тауын алды. Сол сияқты бір парк үшін қатты ұрыстар болды. Немістер парк жанында бірнеше атыс бекіністерін құрды. Офицер Вакусовтың басқаруындағы артиллерияшылар жауға қарсы оқ жаудырып, дүшпанның атыс уяларының үнін өшірді. Шабуыл жасауға шыққан совет жаяу әскерлері бұл паркті немістерден тазартты. Қысқаққа алынған дүшпан орасан көп шығынға ұшырауда. Ұрыс болған жерде гитлершілдердің өліктері тау-төбе болып үйіліп қалды.

Әскерлеріміз неміс армиясының орталық тағы әскер тобының қолбасшысы генерал-полковник Рейнгарттың жаңа жылға арнаған бұйрығын қолға түсірді. Бұйрықта былай делінген: «Орталықтағы әскер тобының солдаттары! 1944-соғыс жылы бақытсыздықпен өткіздік. Біздің әлі сағмыз сынған жоқ. Біз әлі тіріміз және қазіргі күнде біздің майданымыз өткен қыстардың қайсысынан болса да нығая түсеті. Шығыс майдандағы дағдарыстан құтыламыздың белгісі көрініп тұр. Енді біздің күніміз қайта туды. Батыстағы жолдастарымыз қазірдің өзінде шабуылға шықты. Сол сияқты қажет болған жағдайда фюрер шығыс майдандағы солдаттарға: «алға ұмтылыңдар» деп ұран тастамақ. Бұл сағат соққанша, біз әрбір метр жерді қорғай береміз. Біз еңсемізді жоғары көтерін және жеңіске жететіндігімізге толық сеніммен соғыстың жаңа жылына аяқ баса аламыз».

Фашист генералдарының өмір тағы да қатты мазақ етті. Жақын арада ғана генерал Рейнгарт шақырып алдырып жүз мыңдаған гитлершілдердің өліктері кен байтақ ұрыс даласында жайрап жатыр. Немістердің өліктерінің осындай тау-төбе болып үйіліп қалуы 1945 жылдың бас кезінде совет-герман майданында неміс әскерлерінің қандай орасан зор жеңіске ұшырағандығын өте айқын ыспаттайды.

Жаңа зор табыстарға жетеміз

Өткен жылы біздің колхоз ауыл шаруашылық жұмыстарында едәуір табыстарға ие болды. Егінің әрбір гектарынан орта есеппен 8 центнер өнім алынды.

Осының нәтижесінде колхозымыз мемлекетке астық тапсыру жоспарын ауданда бірінші болып орындады. Қызыл Армия қорына жоспардан тыс 450 пұт астық тапсырды, алдымыздағы көктем егісіне керекті тұқым қорын жеткілікті мөлшерде құйып алды. Колхозшылардың әрбір еңбек күніне бір килограмм 600 грамм астық берілді.

Біз быыл егін өнімін бұданда молайтпақпыз. Сондықтан да колхозшылар өткен жылдың ауыл шаруашылық жұмысын аяқтасымен көктемгі егіске әзірлік жұмысының қарқынын өскен күшейтті. Колхоз ұсағы Андрющенко жолдас ауыл шаруашылық құрал-саймандарын жөндеуде көп еңбек сіңірді.

— Андрющенко — шыны маңысында еңбек ері, — дейді колхозшылар. Айтса айтқандай. Оның қолынан келмейтін іс жоқ. Ол ауыл шаруашылық машиналары мен құрал-саймандарының қайсысын болсын тығылықты өрі сапалы жөндейді. Андрющенко жолдас жұырда ескі соқалардың бөлшектерінен бір жаңа соқа жасап шығарды. Қазір колхоздың барлық құрал-саймандары егіс жұмыстарына толық әзірленді.

Көктемгі егіске әзірлік жұмыстарында түкпін мәселесіне ерекше назар аудардық. Құйылған тұқымның сапасын тексере келгенде, бидей тұқымның өнімділігі 92 процент, сұлының 95 процент және тарының 82 процент болып шықты.

Колхозымызда агротехника шараларын жүзеге асыру жұмысы өріс алды. Егіс алаңының 75 процентіне қар тоқтатылды. Колхозшылардың күшімен жергілікті тыңайтқыштар әзірлеу жұмысы ұйымдастырылып, бұл жұмыс жеңінен өрістетілді.

Біздің колхозды МТС қамтымайды. Сондықтан да барлық жұмыс күш көлігімен істеледі. Жұмыс малы күтімге қойылды. Жұмыс малдарын күту таңдаулы колхозшыларға тапсырылды.

Егіс жерін іріктеп алу-егіннен мол өнім алу жолындағы шешуші шаралардың бірі болып саналады. Мұны өткен жылдың тәжірибелерінен анық көрдік. Демек, құнарсыз жердің әрбір гектарынан 5-6 центнер өнім алыса, құнарлы жердің әрбір гектарынан алынған өнім бұған қарағанда екі есе артық болды. Міне сондықтан да біз быыл егісті тың және тыңайтқан жерлерге баламақпыз.

Колхозымыздың көктемгі егіске әзірлігі осындай. Колхозшылардың көктемгі егісті үлгілі әзірлікпен қарсы алып, егіннен мол өнім алудың берік негізін қалайтындығына сенім зор. Қазір колхозшы шаруалардың барлық күші 1945 жылы ісмерекетпен толық есеп анығысу, сақтық қорын жасау, тұқым қорын толық құйып алу және колхозшылардың еңбек күндеріне мол астық беру жолына жұмсалып отыр.

Н. МАЛИНОВСКИЙ.

Петропавл ауданындағы «Путь Ильича» колхозының председатели

Халық ақындарының айтысы

Қазақ совет поэзиясы мен көркем өнерін неғұрлым дамыту және халық ақындарын әйгілеп, тәрбиелеу мақсатында, еңбекшілер депутаттарының облыстық совет атқомі мен КК(б)П облыстық комитетінің бюросы облыстың жеке колхоз, совхоздары, МТС-тары мен аудандары арасында быылдың 15 февральға дейін халық ақындарының айтысын өткізу жөнінде арнаулы қаулы алды.

Халық ақындарының айтысы Преснов, Октябрь, Совет, Булаев және Ленин аудандарында өткізілетін болды. Халық ақындарының айтысы бұдан кейін облыс орталығында өткізілмек.

Өткізілетін отырған айтыстың мақсаты мен міндеті — совет халықтарының ұлы жеңістеріне рух беруші және оны ұйымдас тырушы кеменгер кесеміз Сталин жолдастың көркем әдебиеттегі тұлғасын тамаша шеберлікпен көрсете білу, жеңімпаз батыр Қызыл Армиямыздың, майдандағы және ел ішіндегі батырлардың қаһармандық істерін жырға қосып, колхоздардың совхоздар мен МТС-тардың көрнекті табиғарын, еңбек майданы қызметкерлерінің майданға көмекті еселеп күшейту жөніндегі игілікті істерін дәріптеп, жұмыстарына елеулі кемшіліктердің бетін ашу, сөйтіп бұл кемшіліктерді жою жұмысына көмектесу болып саналады.

Халық ақындарының айтысына әзірлену және оны өткізу ісіне басшылық жасау үшін облыстық комиссия құрылды. Жергілікті жерде айтыс өткізу ісіне көмектесу үшін аудандарға әдебиет және саяси-ағарту қызметкерлерінен бір топ жолдастар жіберілді.

Өрнек өнер дарындыларының өнерін байқау

Еңбекшілер депутаттарының облыстық совет атқомі мен КК(б)П обкомінің бюросы өнеркәсіп орындары мен мекемелердегі көркем өнер дарындыларының өнерін байқау ісін өткізу жөнінде қаулы қабылдады. Февральдің Інен 15 не дейін қаладағы өнеркәсіп орындарында, қолөнершілер артельдері мен мекемелерде көркем өнер дарындыларының (хор және жеке әншілер) өнерін байқау ісі, ал февральдың 15-нен 25-не дейін қалалық байқау, 25 февральдан 15 мартқа дейін облыстық байқау өткізіледі.

Көркем өнер дарындыларының өнерін байқау ісіне үлгілі әзірленіп, оны өткізуге басшылық жасау үшін облыстық совет атқомі председателинің орынбасары Скворцов жолдастың басқаруында облыстық комиссия құрылды. Мұнымен қатар, қалалық комиссия, сол сияқты кәсіп орындары мен мекемелерде де комиссиялар құрылды.

Х А Б А Р

Қазақ ССР Жоғарғы Советі Президиумының 1945 жылғы 2 февральдағы Указы бойынша, Юст Андреевич Буданцев, Николай Александрович Ерофеев, Ақай Оңарбаев, Михаил Мефодьевич Поляков, Ыбраһым Тәжиев, Исраили Шәріпов және Виталий Александрович Шнырев жолдастар Қазақ ССР Халық Комиссарлары Советі Председателинің орынбасарлары қызметінен босатылды.

Қазақ ССР Жоғарғы Советі Президиумының 1945 жылғы 2 февральдағы Указы бойынша, Лияс Омарұлы Омаров жолдас Қазақ ССР Сауда Халық Комиссары қызметінен босатылды.

Қазақ ССР Жоғарғы Советі Президиумының 1945 жылғы 2 февральдағы Указы бойынша, Лияс Омарұлы Омаров жолдас Қазақ ССР Сауда Халық Комиссары қызметінен босатылды.

Лондонда кәсіпшілік одақтарының дүниежүзілік конференциясының ашылуы

ЛОНДОН, 6 февраль. (ТАСС). Рейтер агенттігінің хабары бойынша, бүгін Лондонда кәсіпшілік одақтарының дүниежүзілік конференциясы ашылған. Конференцияға 50 миллионнан аса жұмысшылар сайлаған 240 шамалы делегат қатысқан.

Конференцияның председателдері болып Кәсіпшілік Одақтарының Бүкіл Одақтық Орталық Советінің председатели В. В. Кузнецов, Британия тредюниондары конгресінің председатели Джордж Исаакс және АҚШ-тың өндірістік кәсіпшілік одақтары конгресінің вице председатели Томас Сайланған. Конгресінің вице председателдері болып әрбір елден бір адамнан Франция, Қытай және Латын Америкасының жіктері сайланған. Франциядан — жауға қарсылық жасау жөніндегі Ұлт Советінің председатели Луи Сайян, Латын Америкасынан — Латын Америкасы еңбек бірлестігінің председатели Винсенте Ломбардо Толедано сайланған.

Англияның бас министрі Черчилль конференцияға жіберген хатында Англияның кәсіпшілік одақтарының соғыс ісіне аса көрнекті еңбек сіңіргендігіне зор баға беріп, мынаны мәлімдеген: «Бірлесіп ісетудің маңызы болашақ жылдарда қазіргіден кем болмайды және осы конференцияға өкілдер жіберген барлық елдерде кәсіпшілік одақтарының жұмысына сол жоғары принциптер рух береді және рух бере беретін болады деп қатты сенім білдіремін».

Кең көлемді күн тәртібінде бүкіл дүние жүзі жұмысшыларының соғыс ісіне қосқан үлесінен бастап жұмысшылардың бейбітшілік орнату жөнінде қойған талабына дейін өтпеген мәселелер қамтылған. Мұнымен қатар, күн тәртібіне кәсіпшілік одақтарының дүниежүзілік бірлестігін құру және соғыстан кейін бейбітшілік орнату ісінде жұмысшылар қозғалысының қандай орын алуға тиіс екендігін белгілеу жөніндегі ұсыныстар қосылған.

Мандат комиссиясы бес адамнан құрылған. Бұған Британия тредюниондары конгресінен, совет кәсіпшілік одақтары мен Американың өндірістік кәсіпшілік одақтары конгресінен бір-бір өкіл сайланған. Қалған екі мүше ашық дауыспен Чехословакия және Мексика өкілдерінен сайлануға тиіс. Конференция ашылағанда Кәсіпшілік одақтарының Бүкіл Одақтық Орталық Советінің председатели В. В. Кузнецов және Джордж Исаакс сөз сөйлеген.

Берліндегі жағдай жөнінде

СТОКГОЛЬМ, 6 февраль. (ТАСС). Швеция газеті 4 февральда кешкіліктен бастап Берлинде өрт болып жатқандығын хабар етті. Жүз мыңдаған адамдар өрт қаулаған астанадан қашып кетіп жатыр. Олардың көпшілігі батыс пен оңтүстік-батысқа қарай жаяу шұбыруда. Босқындардың көптігі сондай, тіпті жолдарда аяқ алып жүргізіс. Ратуши, Тиргартен, Уитерденлинден, Александрплац аудандарында өте үлкен өрттер шыққан.

«Экспрессен» газеті Берлиннен жаңада ғана келген бір шведтің әңгімесін жариялаған. «Берлинде барлық өкмет билігі, — деп мәлімдеді ол, — гестапо мен эсэсшілердің қолында. Берлиннің көшелерінде байрығы әскер солдаттарын мүлде дерлік көре алмайсыз. Берлинде абыржушылық пен үрейленушілік айтып жеткізгісіздей етек алған. Адамдар өкмет орындарынан үмітсіз нұсқау күтуде. Босқындар мен үйсіз-күйсіздерді орналастыру ісімен шұғылдана тын ұйымдарда тәртіпсіздік етек алған».

Жауапты редактор

О. ОСПАНОВ.